



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 36. Episcoporum titularium caussa a Philadelphiæ Episcopo propugnata.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Ad hujus Episcopi sermonem Simonetta Cardinalis hæc reposuit: „Diploma Pauli III. nunquam in usu fuit, nisi quantum spectabat ad jus consularii, quantum vero ad cetera ejusdem revocatio postea est subsequuta: equidem anno priori semel fuit latum Judicis suffragium a Procuratore Archiepiscopi Salisburgensis, sed id ex errore permissum, dum vero hic Procurator illius revocationem postea cognovit, non amplius id ab eo tentatum est: ceterum Simonetta noluit absque necessitate mentionem facere duorum Diplomatum, quibus memorati Pontifices non tam irrita fecerant concessa jam privilegia, quam diserte interdixerant Procuratoribus utrumque juris in dicenda sententiæ genus, etiamsi illud ipsis deberetur: cum id odiosam speciem præsetulisset, ac si Episcopis ipsorum jura tollerentur, violata communi lege.

§. XXXVI.

Episcoporum Titularium causa a Philadelphia Episcopo propugnata.

Subsequentibus postea diebus Leonardus Pallav. c. 17. m. 9. Allerus, Episcopus Philadelphiae, Eistatensis Suffraganeus, ubi locum dicendi tenuit, primo acerbe questus est, tam male fuisse habitos

Sæcul. XVI.
A.C. 1563.

Sæcul. XVI. in Patrum sententiis Episcopos Titulares, qualis ipse esset, acsi in conferendis Ordinibus, aliisque functionibus ipsi Episcoporum munia non exercerent. His adjecit, quod nunquam sibi, dum pergeret ad Synodum a Pio IV. convocatam, atque administratam ab hujusmodi Legatis, & ex iis tam præclaris Patribus conflata, in mentem venerit, se ab illis tanquam membrum inutile haberi.

§. XXXVII.

Moronus Cardinalis Oeniponto Tridentum reversus.

Pallav. n. II. Cum interea hæ congregationes haberentur, Moronus Cardinalis die decima septima Maji Oeniponto Tridentum venit, eademque die cuncta, quæ cum Cæsare transegisset, ad Cardinalem Borromæum perscripsit, addiditque, quod potissimum suæ legationis emolumentum fuerit optima opinio, quam Ferdinandus Cæsar de summo Pontifice, ejusque sincera mente concepisset.

§. XXXVIII.

Sessio ad decimam quintam Junii diem prorogata.

Pallav. n. 12. Sequenti die decima nona ejusdem Mensis habito conventu Patres deliberabant, qua demum die Sessio celebrata.